

۱۳۳۰

دینی ، علمی ، ادبی ، سیاسی ہفتہ لق مجموعہ اسلامیہ در

جلد ۲-۹

۱۰ کانون ثانی ۱۳۲۸

خبر

صفر ۱۵ ۱۳۳۱

٢٢٨ - ٤٦ دد

و مطبوعات ستونلرنده ترکره قارشى الكغلیطشتوملر صاوورمقله اظهار کین ایدن مدنی آوروپا ، بوکون صلیب نامنه ارتکاب ایدیلن هتک عرصرلری ، قتل عاملری ، یغما و تخریبلری صموت و صبور ، لال و ابکم بالکنز تماشا ایدیور و احتمالکه بو فجیعه لری تماشا دن؛ تیاتر و صحنه لرنده معصوم محبوسینی وحشی حیوانلره پارچالانه رق ذوقیاب اولان قرون ماضیه انسانلری قدر اولسون ؛ برحس تأثر طویمور ، طویه میور . بو فجیعه لری تلعین ایده جک قدر حسیات عالیله ایلله متصف اولان برقاج عالی وجداندن فوران ایدن صدای نفرین ایسه بالقانلیلرک داستان ظفرلری حقنده موجه دار اعتلا اولان غاغله شاپاش آره سنده سونوب کیدیور .

بد بخت انسانیت ! سن یکرمنجی عصرده ؛ بیسکارجه معصوم چوجوقلرک ، طالعسر کنج قیزلرک ، هرمدیده اختیسلرلرک صیرتلان یوره کلی برسوری جلاد النده پارچه لانه سینه تحمل ایده جک ، نوحه معصومینی طویه میه جق ، شیطانلری اورکوتن جنایتلری آلقشلا یه جق بردرکه سفیله میه سقوط ایتدیک ؟ .. انسانیت پرور آوروپانک علوی وجداندلری زرده ؛ تایمسسلر ، تانلر ، فیغارولر ، دیلی میللر نیچون سکوت ایدیورلر . نیچون مظلوملری تحقیر ، ظالملری تجیل ایتک درکسینه دوشورلر .

عجبا ماتم زده معصوم برکتله انسانیه نک این واپسینلرینی ایشتمه . مک ایچون صماخ مرحمتلرینی صیم صیقی قابامقله وجدانی برتأثر اولسون حس ایتورلری ؟ مدنیت پیشداری اولدقلرینی اعلاندن فارغ اوله میان بومور (!) انسانلر انسال مستقبله نک حضور عدلنده نه قدر وضع بردرکیه سقوط ایتدکلرینی دوشونه رک قیزارسونلر !

امان یارب ! مکر حرص ، منفعت کبی آلقاق حسلر بشریتی هر تورلو مزایای نجییه دن صویه جق قدر بر قدرت سحاره کوستره . بیلیر ایش !

مکر جهانیه عدالت ، مساوات و اخوت اساسات عالیله سنی تعلیم ادعاسنده بولان برقسم مطبوعات ، پولتیقه جیلنگ پک سفیل احتراصلریله فضائل انسانیه و ایجابات اخلاقیه بی چیکنه یه جک قدر کوچوک کلکله تنزل ایده بیلیرمش !

خایر ، خایر ، بز بر انسان اولق صفیله بشریتک بو قدر ملوث چامورلره بولانه جغه قانع اوله میور و بوکا اینانق ایسته میورز . افسوس که وقوعات هر کونکی جلوه لریله بزم بو عقیده مزی صارصیور ، قوتدن دوشوربور .

مع مافیله یه بز محترص ، منفعت جو آوروپا فوقنده حسیات نجییه ، فضائل بشریه ایلله متحلی برده متفکر آوروپا بولندیغه قناعت ایدیورز . ایشنه بوقناعتدرکه بزه شو سطرلری یازدیریور . بولاد قدر سرت ، صخور قدر بی حس اولان قلبلری بیله پارچه لایه جق شناختلره مالامال برسلسله خونین تشکیل ایدن (سیروز) فجایعنی

۱۶ - (کوکب المسعود فی کوکبة الجنود) ۱۲۶۴ ده وفات ایدن صحافلر شیخی زاده (محمد اسعد افندی) طرفندن مطبوعدر .

۱۷ - (دستور المجاهدین لغزالدین) فریقان کرام متقاعدلرندن قیصریه لی (مصطفی حامی پانا) طرفندن مطبوعدر .

۱۸ - (تحریر المجاهدین) فضلا دن حانیله لی (احمد) افندی طرفندن .

۱۹ - (رساله جهاد کبیر) ۱۱۵۱ ده استانبولده وفات ایدن صاحب کتبخانه (جاراه ولی الدین) افندی طرفندن .

۲۰ - (فضائل رمی) ابن روشن دیمکله مشهور شیخ (محمد خطیب) طرفندن .

۲۱ - (رساله ارشادیه - فضائل جهاد) مدحت پاشا و ابوری امامی (حاجی عبدالجید حامد افندی) طرفندن .

۱۲ - (طریقه الجهاد) ۱۷۰۶ ده وطنی اولان (موره) نک (تب - استفه) شهرنده وفات ایدن (آته) مفتیسی (رتوی علی) افندی طرفندن .

۲۳ - (حکمة الغراء فی فضائل الغراء) (خواجه منیب افندی) طرفندن .

۲۴ - ترغیب المجاهدین الی نکایه اعداء الدین . [عصر مجید خانیده شیخی آلای باشی امام مصطفی عاصم بن محمد] .

بروسه لی محمد طاهر

سیروز فاجعه لری

مدنی آوروپانک حق چیکنه یه رک میدانیه چیقاردقلری بالقان بچلری یکرمنجی عصرده ولی نعمتلرینه ، نروئلری رحمه کتیرن ، شیطانلره بادی حجاب اولان قانلی لککلره ملوث بر تاریخ ، بر تاریخ فجیعه نما عرض ایتمکله غالباً تحدیث نعمته چالیشیورلر .

مدینتک پرستشکاری ، انسانیتک حامی شفیق ، ظلمک دشمن بی امانی اولدیغی هر آن ، هر وسیله ایلله شرقیلره قارشى بر ضرور متعظمانه ایلله اعلان ایدن آوروپا ایسه بو غدار شقیلرک ملعون جنایتلرینی کورمامک ، ایشتمه مک ایسته یورمش کبی اونلرک عنید بر حامی شکیمه داری طوریلله متصل شرقه یوکلنمک ، شرقی ازمک ، هلالک شعشعه بقیه سنی ده بوس بوتون سوندورمک عزم قطعینسنی کوستریور . غربک کرسی پراحتشامدن شرقه درس مدنیت و یرمک خلیاسیله دمکذار اولان ، بزى جهل ایلله ، باربارقله اتهام ایدن مدنی آوروپا (!) نک ستره تمدن آلتنده نه کشف برغیظ تعصب بسله دیکنه صلیب نامنه آچیلان شو ملحمه خونین پک سوزشلی بروسیله تظاهر اولمشدر .

اوله یا ! درت کون اول روم ایلی ده - یه نه بوقانلی شقیلرک تشویقیله - ظهور ایدن حادثه لری مسلمانلره عطف ایده رک بزى هر کون بر صورتله عنید وجبار برطور ایلله تهدید و تضییق

بو یوکسک وجدانی انسانیت پرور ارباب مدینتک انظار تقییحه
عرض ایدیورز .

بالقان مظالمی، بالقانلرده دوکیلن قانلری، یاقیلان خامانلری،
بوغازلان معصوم انسانلری صلیبک بر مظفریتی شککنده برغرور
آلقشایان سفیل پولتیقه جیلرک بی حس وجدانلری بو فجیع لوحه لر-
دده متأثر اولمیه جغنی بیلمزدکلز .

اونلر هر طرفی قابیلان بویغین ییغین اجسادک، نهرلر تشکیل
بدن و معصوم قانلرینک. آج پریشان سورونن بوانسان سوریلرینک
منظره دلخراشی قارشوسنده ینه اصلا برحس تأثر و مرحمت کوستر-
میه جکلردر .

چونکه کوپلری، قصبه لری، وادیلری یابللری طولدیران جسدلر
اسلام ایدیلر . آقیدیان معصوم قانلری، مسلمان چوجقلری، اسلام
قادینلری در . یوقسوللقله، آچلقله، خسته لقله تلف اولمغه محکوم
اولان بو برسوری انسانلر، صلیبک ربقه حمایه سندن خارج مسلمانلردر!
اونلرک یالکیز مسلمان اولملری، کندیلرینک احکام مدینه دن
خارج طوتلمه لرینه، انسان صایلمه ملرینه یکانه وقوی برسیدر .

دین عیسی نک تظلم نما بر تمثال شفقتی اولمسی ایجاب ایدن صلیبک،
معصوم قانلرندن متشکل حوضه لره آتیلیمسی بیله بونلرک کین انظفا
نازیرلری سوندوره مدی، حالاده سوندوره میور!... بالقان
حکومتلرینک خرسیتیانلرک تخلیصی (!) ایچون آچدقلری بو حرب
مشومده ارتکاب ایدیلن شاعتلر مدینت خرسیتیانیه نامنه ابدی برلکه
اولوب قالمیه جقمیدر . مدنی آوروپا کندی دینلرینک وسیله ظلم وقهر
اولمسنه داها نه وقته قدر تحمل ایده جکلردر! بوتون انسانلره برحلم
شفقتکار تعلیم ایدن، برقاریجه نک بیله ایجیلتمه سنی الک بویوک برکنه
صورتنده کوسترن حضرت عیسی نامنه ارتکاب اولنان فضیحه لر
شبهه یوق که جزاسز قالمیه جق، برکون پک مدهش برعکسی تأثیر
کوستره جک، بو کون پیرامن عرشه قدر یوکسه لن واولای معصومین
فضاء بی پایان ایچنده بوش یره سونوب کیتیمیه جکلدر .

وسیعلموالذین ظلموا ای منقلب یتقلبون !

سیروز رملخفاشده بلغار مظالمی

بو هفته اداره خانه مزه هویتلری بزجه معلوم ظلمدیده ایکی
دینداش مراجعت ایدره ک بلغارلرک سیروز و ملحقاننده ارتکاب
ابتدکاری خونین فجیه لره تقلیه قیلریمیزی پر خون، دماغلریمیزی
داغدار تالم ایدیلر .

اک خائن صیرتلانلردن دهها خونریز اولان بلغار جانیلرینک
قانلی پنجه لرندن برتقرب قورتیلوب استانبوله کله بیلیمش اولان بو
بدبخت مسلمانلری دیکلرکن اعماق سینه مزدن قوبان هیچقریققلری
ضبط ایده میهرک، شہقات المنا کمرله اونلرک همد اشکباری اولمشدق.
بوخونین فجیه لر او قدر دهاش، اونسبتده سباعانه بر طرزده جریان

ایتمش که، انسان، وجدان و مرحمت دینلن مزایای بشریه دن ببتون
تجرد ایتش، شیطان طینتلی، ییلان قلبلی بو برسوری عجوبه
مظالمه (بشر) نامی اتنده برلشدیکنی کوره رک انسان اولدیغنه
پشیمان اوله جغنی، انسانیت نامنه لغتار، نهرتلر یاغدیره جغنی کلور .

وطنک بدبخت بر پارچه سنده، روم ایلینک زمردین بالقانلرنده،
آطملرک رنگین کلمستانلرنده، اسلاملرک یکرمنجی عصرده صلیب نامنه
اوغرادقلری بو مدهش قهرلر، او بی امان ظلملر بوتون ملتک
حافظه انتقامنده دائم صیزلار بر جریحه حالنده قالمی وقاله جقدر .
بوکون ملوث چامورلر اتنده چیکنه نن ناموس ملتی بارین یوکسکتمک،
یوکسکته بیلیمک، خونین پنجه لر آره سنده ازیلن معصوم دینداشلری،
خائن جنوارلرک ملوث قوجاقلرنده تیرمه نین مسلمان قیزلری قورتارمق،
بو ظلملرک انتقامنی آلمق، آله بیلیمک ایچون قیلریمز داها سریع ضربان
ایتمی، روحلریمز داها جوال وحساس اولمی، طمارلر مزده اجدادیمزک
خون حماسی داها زیاده بر فعالیتله جولان ایتلیدر .

یکرمنجی عصر مدینتک بو فجیه دیدنه بدبختلری (سیروز)
استیلاسنی، سیروز قتل عامنی بزه شو صورتله نقل ایدیلر :

تشرین اولک یکرمنی اوچنجی صالی کونی اقشامی بلغارلرک سیروزه
یاقلاشدقلری خبری بر سرعت برقیه ایله هر طرفه شایع اولدی .
اساساً سیروز، بلغار استیلاسنه اوغرایان ملحقانندن ورود ایتش اولان
مهاجرین ایله مالامال ایدی. بو خبر اوزرینه مأمورین ملکیه وعسکریه
شهری ترک وسلانیکه متوجهاً حرکت ایتدیلر .

بلغارلرک طبع خونریز لرینی پک کوزل تقدیر ایدن، ملتجیلرک
نقل ایتدکلری مناقب خونین ایله بردهشت وهراس اولان اهالی او
کیجه یی قورقونج برکابوس تلاش ایچنده یخیردیلر. ایرتسی چهارشنبه
کونی آنات مدهشه یه بر صحنه فجیه دار اوله جقدی . فی الحقیقه او
کون، قان ایچیلیمکی ایله مشهور بلغاراشقیاسندن (زانقوف) معیتده کی
اون بش شقی ایله سیروزه داخل اوله رق شهری تسلیم ایتدی .
زانقوف ییرلی بلغارلرله برلکده چهارشنبه، پنجشنبه وجمعه کونلری
اهالی اسلامیه نک سلاحلرینی طوپلامقله مشغول اولدی. طوپلانیا لان
سلاحلر ییرلی بلغار وروملره توزیع اولینیوردی .

تشرین اولک ۲۷ نجی جمعه ایرتسی کونی جنرال (قوواچف)
اداره سنده اوله رق توره قوپدن بشیک بلغار عسکری شهره کیردیلر.
جنرال، شهرده بولنان مستحفظ ضابطان وافراده عثمانیه نک حکومت
جلب ایدلمسی امرینی ویردی. بو وسیله ایله مسلح اشقیاء اسلام اولرینه
هجوم ایدره رک طوپلادقلری بش آلتی بیک اسلامی حبسخانه لره طولدیردیلر.
بدبخت اسلاملر بو صورتله حبسخانه یه طولدیرلدقن صکره ساعت سکر
بحقده انسانیت ایچون ازلی برلکه اوله رق صحائف تاریخی تلویث ایده جک
خونین صفحه لر باشلادی . جنرالک امریله، یوزیکرمی بدبخت اسلام؛
اوکون حکومت ایچنده قورشونه دیزلدیلر . جنرال، توپلری اوربرتن
بوقانلی منظره یی برذوق سباعانه ایله تماشا ایدیور، زمین مظالمده آل